




Katekeze ba fulan Jullu



Karidade

Usa iha semana datoluk.

SEMANA DAHULUK
CARIDADE LARAN MOS

Objective:

Atu foinsa'e sira bele hatene virtude laran mos nian.
Atu foinsa'e sira bele consciente virtude laran mos nian
Atu foinsa'e sir abele pratika virtude laran mos nian.

Prosessu

Orasaun:.....

Jogos: animador/a prepara kopu 4: 2 mutin polos, 2 ho kor ka ida nebe iha aifunan.

Hili oratoriano nain 2. Ema 1 kaer kopu 2: 1 mutin polos, 1 iha kor ka ho aifunan. Tuir mai haruka sira enxe bee ba kopu rua nebe sira ida-idak simu, tuir mai haruka sira hatudu ba maluk sira atu observa kona ba diferenzia entre be ne'ebé iha kopu mutin no kopu nebe ho kor.
Animador/a hakarak halo fali buat seluk nebe relasiona ho topic mos bele.

Analiza aktividade liu husi perguntas

1. Saida mak foin observa husi **aktividade** simples nebe foin imi hare ne'e?
2. Mensagen saida mak imi foti husi **aktividade** ne'e?
3. Entre asaun **aktividade** nebe imi hare asaun ida nebe mak imi gosta liu? Tamba sa!

Animador/a haklean tiha sira nia resposta, baseia ba buat nebe foinsa'e sira fahe.

HAFORSA AKTIVIDADE HO LEITURA HUSI BIBLIA:**MARK, 7:14-23**

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Evangeliu nebe foin imi rona Jesus dehan saida ba Nia Eskolantes sira?
2. Jesus dehan laiha buat ida iha liur nebe tama hodi hafoer ema nia laran ne'e katak sa?
3. ...(animador/a) aumenta perguntas tuir Evangeliu ne'ebé iha.

3.

Animador/a bele aumenta perguntas ne'ebé mak apropriado ho topiko. Animador/a haklean sira nia jestu agradese nian ho puzzle nen'ebé adapta husi MAGNIFICAT MODERNO NIAN ne'ebé mak ekipa haruka hamutuk ona ho katekese ba loron datoluk nian.

Animador/a fo tempo ba sira atu hakerek surat ba sira nia inan aman ka ema ne'ebé tulun sira ka tau matan ba sira.

HAFORSA AKTIVIDADE (istoria) HO LEITURA HUSI BIBLIA:**Roma, 1:8-15; 1 kor 1:4-9**

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Leitura husi Saun Paulo nia surat ba sarani sira iha Roma ne'ebé ita rona liu ba ne'e koalia kona ba saida?
2. Saun Paulo hateten saida ba sarani sira iha Roma? (Nia dehan: hau fo agradese ba hau nia Maromak, husi Jesus Kristo, tamba imi hotu; basa imi nia fiar hetan naran boot iha raiklaran tomak).
3.

SUMARIO

Leitura ne'ebé ita rona, oinsa Saun Paulo hatudu mai ita, ninia attitude rekuinesimento nian ba grasa ne'ebé sarani sira simu husi Maromak, nune'e nia la haluha hodi agradese ba Maromak ba sarani sira nia fiar.

Saun Paulo ho laran manas-manas agradese ba Maromak ba kmanek sespiritual nian ne'ebé nia hakarak atu hato'o ba sarani sira iha Roma nian.

Nune'e mos aktividade kona ba jestu agradesimento nian ne'ebé ohin maluk sira hatudu, katak se ita hadomi Maromak la to'o deit atu hadomi Nia maibe hatudu hahalok diak ruma liu husi maluk sira ne'ebé ita hetan iha ita nia moris.

Liu-liu labele haluha agradese ba Maromak ba grasa moris nian ne'ebé Maromak fo mai ita.

Agradese ba Maromak ba grasa isin diak ne'ebé ita hetan.

Final: taka ho orasaun...

Husu ba sira halo proposito ka buat ruma atu moris tuir iha semana nia laran

nasaun ida nia laran iha hakmatek, no ema hotu bele enjoy moris to'o rohan. Tamba foinsa'e mak **PROTAGONISTA FUTURO NIAN "TENIK PAPA FRANCISCO"**. Ikus ita bele dehan katak ita mak Maromak oan lolos ne'ebé hakarak hatudu hahalok diak deit hanesan Maromak hakiak ita iha mundo ne'e.

FINAL: ORASAUN

(se bele husu ba sira atu halo propositu ruma ba semana **nia laran, depois husu ba sira wainhira hasoru maluk fali ba tempu seluk**).

SEMANA DATOLUK CARIDADE HATENE AGRADECE

Objective:

Atu foinsa'e sira bele hatene liu tan kona ba asaun agradese nian.
Atu foinsa'e sira bele consciente liu tan kona ba asaun agradese nian.
Atu foinsa'e sira bele pratika kona ba hahalok agradese nian.

Prosessu

Orasaun: Na'i Jesus ami nia belun no mestri ami agradese ba Ita bo'ot tamba Ita hadomi tebes ami. Haraik Ita nia tulun mai ami atu bele sai foinsa'e ne'ebé hatene agradese nafatin ba buat diak tomak ne'ebé ami simu husi Ita Bo'ot no ami nia maun-alin sira seluk nne'ebé ami hasoru iha ami nia moris tomak. Amen.

HAKLAKEN TOPIKO HO PERGUNTAS PROVOCATIVAS LIU HUSI JESTO DEIT OU MIMIK.

Animador hili foinsa'e nain sanulu ka konforme, ba hamrik iha oin. Halo perguntas pratico ba foinsa'e sira kona ba oinsa agradese ba buat ruma ne'ebé sira simu husi ema. Espontaneamente sira hatudu deit liu husi sira nia jestu iha kolega sira nia oin. (hanesan ilustrasi hatudu)

PERGUNTAS:

1. Oinsa imi hatudu imi nia agradese ba imi nia papá no mama wainhira sira fo buat ruma ba imi, durante halo tinan?
2. Wainhira imi hetan susesu ruma oinsa imi agredese ba Maromak no ba Familia?

SUMARIO

Iha Evangeliu ne'ebé ita rona liu daudaun, oinsa Jesus descreve kona ba buat ne'ebé hafoer ema. Nia dehan katak laos buat ne'ebé mai husi liur mak tama iha ema nia laran atu hafoer maibe buat ne'ebé mai husi ema nia laran mak halo ema nia laran foer, husi ema nia fuan maka hakarak a'at ne'ebé lori nia atu halo a'at, atu naok, atu oho, halo sala foer, laran moras, lia bosok, loko-an, no hahalok sira beik nian. Buat a'at sira ne'ebé nakukun nian mak dala barak ema hare husi parte ema seluk nian.

Hanesan aktividade ne'ebé ohin ita hare kona ba kopu rua ne'ebé lahanesan. Kopu ne'ebé mutin ita bele hare borus ba buat nebe iha laran bele hare mos. Maibe kopu ida ne'ebé mak ho aifunan ita lahare mos. Nune'e ho Evangeliu no aktividade ne'e fo hanoin mai ita katak ita labele hare deit ba buat ne'ebé iha liur nian maibe hare liu ba buat ne'ebé laran nian, hanesan ba ita nia hahalok ruma, ita nia hanoin at nian ba ema seluk, nsst. Nune'e liu husi liafuan diak ruma ne'ebé rona koko atu tau iha imi nia moris. Nudar joven nasaun no kreda nian buka buat ne'ebé diak no justu atu imi nia moris bele lori duni esperansa ba ita nia rain. Basa imi mak protagonista ba futuro nian, iha familia, iha kreda no iha nasaun

FINAL: ORASAUN NO.....

Proposito ruma mos bele, depende ba animadores.

SEMANA DARUAK CARIDADE FO PERDUA NO SIMU PERDUA

Objective:

Atu foinsa'e sira bele hatene liu tan kona ba fo perdua no simu perdua.
Atu foinsa'e sira bele consciente liu tan kona ba fo perdua no simu perdua.
Atu foinsa'e sira bele pratika kona ba fo perdua no simu perdua.

Prosessu

Orasaun: Aman domin Na'in, ohin ami mai halibur hamutuk tan iha ne'e, hakarak atu rona tan Ita Futar Liafuan, ami husu atu Ita Bo'ot tulun

ami atu buat hotu ne'ebé ami sei rona husi ami nia formasaun iha oratorio ne'e, ami bele tau ba ami nia moris lor-loron nian. Ami harohan ne'e hodi Na'i.....

Istoria:

Iha **joven nain-rua, ida naran José no ida seluk naran Joelinho, sira nain rua ne'e universidade semester lima.** Joven nain rua ne'e belun diak tebes ba malu, no sira nain rua tulun malu atu hatudu deit sira nia hahalok diak ba ema. Sira iha hahalok diak ne'e hotu, tamba iha uma laran kedas sira nia inan no aman nafatin fo hanoin ba sira katak **buka atu sai ema ne'ebé diak, la halo a'at ba ema maske ema halo a'at ba sira karik ba, buka atu la halo a'at fali hasoru,** maibe lao do'ok tiha. iha bairo ne'ebé sira hela ba ne'e, maluk joven barak ne'ebé mesak brutal deit, nune'e loron ida wainhira sira nai rua lao hela iha Estrada atu ba kampus, iha dalan maluk joven sira seluk para sira rua no dehan ba sira, se imi nain rua hakarak ami konvida imi aban ita ba peknik?, maibe sira hatan katak ami labele ba ho imi tamba ami iha tugas barak iha kampus. Ho **ida ne'e mluk sira ne'ebé konvida ne'e hirus sira nain rua, no tuku tebe sira,** sorte pulicia mos pas liu momento ema haloo a'at ba sira. Pulicia hare no mai to'o iha sira maibe joven sira ne'ebé halo a'at ba sira nain rua ne'e halai lakon hatu ona. Pulicia husu ba sira nain rua atu buka tuir nune'e bele lori ba sela, maibe sira nain rua dehan ba pulicia katak husik ba, ita lalika ba buka tuir sira, wainhira sira halo tan ba ema seluk no ema konsege kaer sira entaun bele lori sira ba sela. **Agora tamba ami mos la dun kanek ami perdu a deit ona.** Pulicia dehan ne'e diak maibe kontra lei ita tenke buka tuir sira. Maibe tamba joven nain rua ne'e hanoin hela inan aman nia liafuan entaun sira la lori ba problema, sira mantein sira nia lia fuan no dehan ba pulicia bele buka tuir maibe ami karik lakohi lakon tempo atu ba buka sira, ami hakarak ba kampus deit ona.

Analiza aktividade (istoria) liu husi perguntas!.

1. Istoria ne'ebé foin imi rona ne'e koalia kona ba se?
2. Saida mak joven sira seluk halo hasoru sira José no Joelinho?
3. Wainhira joven sira seluk halo a'at ba sira, hahalok saida mak joven nain rua ne'e halo hasoru?
4. Lia fuan saida mak joven nain rua ne'e sempre rona husi sira nia inan aman sira?
5.

HAFORSA AKTIVIDADE HO LEITURA HUSI BIBLIA:

Lukas, 6:27-35

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Evangeliu ne'ebé foin imi rona liu ba ne'e, Evangelista Saun Lukas haktuir saida mai ita?
2. Saida mak imi hakarak atu aprende husi Evangeliu ne'e?
3. Tamba sa mak ita presisa konserva no hatudu hahalok diak ba ita nia funu balun sira? Ka ema ne'ebé halo a'at mai ita!
4.

SUMARIO

Iha Evangelliu ne'ebé ita rona liu daudaun, oinsa Jesus dehan atu hadomi ita nia funubalun sira, fo bensa ba sira ne'ebé fo malisan ba ita, perdu a sira ne'ebé halo a'at ka rai odio mai ita, harohan ba sira ne'ebé koalia a'at mai ita, se ema ruma basa ita karik ita nia hasan sorin ita fo tan sorin atu basa, se ema ruma impresta ka deve ita nia sasan keta husu fali nsst. Nune'e mos husi istoria kona ba joven nain rua ne'ebé ohin ita rona liu daudaun oinsa joven nain rua ne'e ninia hahalok ne'ebé sira iha, hasoru ba joven sira seluk ne'ebé hakarak halo a'at ba sira, sira laiha intensaun a'at mos atu halo hasoru fali ba joven seluk ne'ebé hakarak halo a'at ba sira. Sira hatudu deit mak hahalok perdu a nian, tamba sira hatene katak violensia ho violensia sei lamanan buat ida mak estraga deit, maibe vilolensia ho hahalok diak sei manan damen no domin. Nune'e nudar foinsa'e kredo no nasaun rai doben ne'e nian saida mak imi hakarak atu ita nia rai, kredo no nasaun bele hetan diak ou susesu diak? se laos husi foinsa'e hanesan imi ne'e ninia kompetensi ka kompromisu? Evanjellu no istorio hatudu momos no klaro. Los katak nudar foinsa'e ema dehan ne'e nakonu ho RAN MANAS, hakarak halo saida deit! Ne'e los maibe laran manas ita hanoin karik labele fakar arbiru ka manas arbiru maibe manas ho kualidade no ho prinsipio ne'ebé mak los no konstrutivu. Wainhira foinsa'e ida hatene tahan-an ka kuda kesabaran tinggi pasti